



治痢神書證治烈方
三

ヤ 9
864
3上





泄痢神書烈方卷下

證治

會稽 張公賓 會卿著
會稽 魯超 謙菴訂

補陣新古烈方

○新方印證後倣之
△古方印證

○右歸飲 此益火之劑也凡命門之陽衰陰勝者宜此方
加減主之○此方與大補元煎出入互用如治陰盛格陽真
寒假熱等證宜加澤瀉二錢煎成用涼水浸冷服之尤妙

熟地用如前

山藥炒二錢

山茱萸一錢

枸杞二錢

甘草炙一錢

杜仲薑制二錢

肉桂一二錢

制附子一二三錢

世有神書烈

下

正支汗刊



水二鍾煎七分食遠溫服。○如氣虛血脫或厥或昏或汗或
運或虛狂或短氣者必大加人參白朮隨宜用之。○如火衰
不能生土為嘔噦吞酸者加炮乾姜二三錢。○如陽衰中寒
泄瀉腹痛加人參肉豆蔻隨宜用之。○如小腹多痛者加吳
茱萸五七分。○如淋帶不止加破故紙一錢。○如血少血滯
腰膝軟痛者加當歸二三錢。

右歸丸 治元陽不足或先天稟衰或勞傷過度以致命門
火衰不能生土而為脾胃虛寒飲食少進或嘔惡膨脹或番
胃噎膈或怯寒畏冷或臍腹多痛或大便不實瀉痢頻作或
小水自遺虛淋寒疝或寒侵谿谷而肢節痺痛或寒在下焦

而水邪浮腫總之真陽不足者必神疲氣怯或心跳不寧或
四體不收或眼見邪祟或陽衰無子等證俱速宜益火之原
以培右腎之元陽而神氣自強矣此方主之

大懷熟兩

山藥兩

山茱萸兩

枸杞兩

鹿角膠兩

珠珀兩

兔絲子兩

製四兩

杜仲兩

薑湯炒

當歸兩

三兩便
瀉勿用

肉桂兩

加至四兩

製附子兩

加至五兩

右丸法如前或丸如彈子大每嚼服二三丸以滾白湯送下
其效尤速

如陽衰氣虛必加人參以為之主或二三兩或五六兩隨人
虛實以為增減蓋人參之功隨陽藥則入陽分隨陰藥則入

陰分欲補命門之陽非加人參不能捷效○如陽虛精滑或帶濁便溏加補骨脂酒炒三兩○如殮泄腎泄不止加北五味子三兩肉豆蔻三兩麩炒去油用○如飲食減少或不易化或嘔惡吞酸皆脾胃虛寒之證加乾薑三四兩炒黃用○如腹痛不止加其茱萸二兩湯泡半日炒用○如腰膝酸痛加胡桃肉連皮四兩○如陰虛陽痿加巴戟肉四兩肉蓯蓉三兩或加黃狗外腎一二付以酒煮爛搗入之

加減一陰煎 治水虧火勝之劑故曰一陰凡腎水真陰虛損而脈證多陽虛火發熱及陰虛動血等證或瘧疾傷寒屢散之後取汗既多脈虛氣弱而煩渴不止潮熱不退者此

以汗多傷陰水虧而然也皆宜用此加減主之而火之甚者宜用此方

生地

芍藥

麥冬 各二錢

熟地 三五錢

炙甘草 五七分 知母

地骨皮 各一錢

水二鍾煎服○如躁煩熱甚便結者加石膏二三錢○如小水熱澁者加梔子一二錢○如火浮於上者加澤瀉一二錢或黃芩一錢○如血燥血少者加當歸一二錢

三陰煎

此治肝脾虛損精血不足及營虛失血等病故曰三陰凡中風血不養筋及瘧疾汗多邪散而寒熱猶不能止是皆少陽厥陰陰虛少血之病微有火者宜一陰煎無火

者宜此主之

當歸 錢二三

熟地 錢三五

炙甘草 錢一

芍藥 酒炒 錢二

棗仁 錢二

人參 隨宜

水二鍾煎七分食遠服。如嘔惡者加生姜三五片。汗多煩躁者加五味子十四粒。汗多氣虛者加黃芪一二錢。小腹隱痛加枸杞二三錢。如有脹悶加陳皮一錢。如腰膝筋骨無力加杜仲牛膝。

△四君子湯

治脾胃虛弱飲食少思或大便不實體瘦面黃或胸膈虛痞吞酸痰嗽或脾胃虛弱善患瘧痢等證。

人參

白朮

茯苓 各二錢 炙甘草 一錢

加薑棗水煎服或加粳米百粒。

五味異功散

治脾胃虛寒飲食少思嘔吐或久患欬嗽面浮氣逆腹滿等證。

人參

白朮 炒

茯苓

炙甘草

陳皮 各一錢

此即四君子湯加陳皮也。

六君子湯

治脾胃虛弱飲食少思或久患瘧痢或食飲難化或嘔吐吞酸或欬嗽喘促若虛火等證須加炮姜其功尤速。

速

即前四君子湯加陳皮半夏各一錢五分。

加味六君湯

治一切脾胃虛弱泄瀉及傷寒病後米穀不

化腸中虛滑發渴微痛久不瘳者及治小兒脾疳瀉痢

人參 白木 黃芪 山藥

甘草 白茯苓各一兩 砂仁 厚朴

肉豆蔻麪裹煨各七錢

右每服一兩用水煎服或為細末用米湯調服二錢不拘時

四物湯和劑 治血虛營弱一切血病當以此為主

熟地黃 當歸各三錢 川芎一錢 芍藥二錢

水二鍾煎服

八珍湯和劑 治氣血兩虛調和陰陽

即前四君子四物湯相合也○本方加黃柏知母即名補陰

八珍湯

十全大補湯

治氣血俱虛惡寒發熱自汗盜汗肢體困倦眩暈驚悸晡熱作渴遺精白濁二便見血小便短少便泄

閉結喘咳下墜等證

即前八珍湯加黃芪肉桂各一錢

補中益氣湯東垣

治勞倦傷脾中氣不足清陽不升外感不解體倦食少寒熱瘧痢氣虛不能攝血等證

人參 黃芪炒 白木炒 甘草炙各錢半

當歸一錢 陳皮五分 升麻 柴胡各三分

右加薑棗水煎空心午前服

歸脾湯 濟生 治思慮傷脾不能攝血致血妄行或健忘怔忡

驚悸盜汗嗜臥少食或大便不調心脾疼痛瘧痢鬱結或因

病用藥失宜尅伐傷脾以致變證者最宜用之

人參 黃芪 白朮 茯苓

棗仁 各二錢 遠志 當歸 各一錢 木香

炙甘草 各五分

水二鍾加圓眼肉七枚煎七分食遠服

愚意此湯之用木香特因鬱結疼痛者設如無痛鬱等證必宜除木香以避香燥豈不於氣虛血動者為尤善乎又遠志味辛氣升而散凡多汗而躁熱者亦宜酌用

參附湯 嚴氏 治真陽不足上氣喘急呃逆自利臍腹疼痛手足厥冷嘔惡不食自汗盜汗氣短頭暈等證

人參 製附子 用須參倍於附或等分不拘五

錢或一兩酌宜用薑水煎服○良方有丁香十五粒名加

減參附湯

參朮湯 治氣虛顛掉泄瀉嘔吐等證

人參 白朮 黃芪 各二錢 白茯苓

陳皮 炙甘草 各一錢

甚者加製附子一錢

水二鍾煎八分食遠服

當歸黃芪湯

治妊娠下痢腹痛小便澀

當歸炒

黃芪各一兩

糯米一合

水二鍾煎一鍾溫服

木附湯

仲景

一名白朮附子湯。治中寒中氣不足四肢

逆冷口噤牙關緊急痰盛脈弱風虛頭眩頭重苦極不知食

味

白朮二兩

炙甘草一兩 附子

兩半炮去皮

每用五六錢薑五片棗一枚水一鍾半煎七分食遠溫服或

用此化蕪合丸連進二服效

參苓白朮散

和劑

治脾胃虛弱飲食不進嘔吐泄瀉或久

瀉或大病後調助脾胃

人參

山藥炒

白扁豆

去皮姜汁炒 蓮肉去心各一

白朮

二斤米泔浸炒

桔梗

炒黃色

砂仁

薏仁炒

白茯苓

去皮

炙甘草各一

斤

右為細末每服二錢米湯調下或加薑棗水煎服或煉蜜丸

桐子大每服七八十丸空心米飲白湯任下

十寶湯

選要

治冷痢虛甚下物如魚腦三服愈

黃芪錢

灸四

熟地黃

人參

白朮

白芍藥

當歸

茯苓

半夏

五味子

肉桂各一錢

甘草灸五分

水一鍾薑二片烏梅一箇煎七分食遠服

大防風湯 和劑 治足三陰虧損寒濕外邪乘虛內侵患鶴

膝附骨等疽不問已潰未潰宜先用此及治痢後脚膝栗痛不能動履名曰痢後風此藥祛風順氣活血壯筋骨行復如

故

人參 白朮 防風 羌活 各二錢

黃芪 一錢 熟地 杜仲 各二錢 官桂

甘草 炙各五分 白芍 牛膝 附子 各一錢

川芎 錢半

水煎服○一方有當歸無官桂加薑七片

六味地黃丸 金匱 即金匱腎氣丸亦名地黃丸治腎水虧

損小使淋閉頭目眩暈腰腿痠軟陰虛發熱目汗盜汗憔悴瘦弱精神疲困失血失音水泛為痰病為腫脹壯水制火之劑也

熟地黃 八兩 蒸搗 山茱萸 山藥 炒各四兩 丹皮

澤瀉 白茯苓 各三兩

右為細末和地黃膏加煉蜜為丸桐子大每服七八十丸空心食前滾白湯或淡鹽湯任下○此方用水煎湯即名六味地黃湯下八味丸亦同

八味丸 崔氏 治命門火衰不能生子以致脾胃虛寒飲食

少思大便不實或下元冷憊臍腹疼痛等證○王太僕曰益火之源以消陰翳即此謂也○即前六味地黃丸加肉桂製附子各一兩

加減金匱腎氣丸薛氏 治脾腎陽虛不能行水小便不利

腰重脚腫或肚腹腫脹四肢浮腫或喘急痰盛已成膨證其效如神此證多因脾胃虛弱或治失其宜元氣復傷而變為此證若非速救腎中之火則陽氣不充於下何以生土土虛又何以制水此必用之劑也苟不知此必不能救若病在燃眉當變丸為湯治之

熟地四兩酒拌蒸 山藥 山茱萸 川牛膝

丹皮 澤瀉 車前子 肉桂各一兩

白茯苓三兩 附子製五錢

右為末煉蜜同地黃膏搗丸桐子大每服七八十丸空心米飲下

人參膏

用人參十兩細切以活水二十盞浸透入銀石器內桑柴火緩緩煎取十盞濾汁再以水十盞煎渣取汁五盞并入前汁合煎成膏磁瓶收貯隨證作湯使調服○丹溪云多慾之人腎氣衰憊效嗽不止用生薑橘皮煎湯化膏服之○浦江鄭兄五月患痢又犯房室忽發昏暈不知人事手撒目暗自汗

如雨喉中痰鳴聲如拽鋸小便遺失脉大無倫此陰虧陽絕
 之證也予令急煎大料人參膏仍與灸氣海十八壯右手能
 動再二壯唇口微動遂與膏服一盞半夜後服三盞眼能動
 盡三升方能言而索粥盡五升而痢止至十升而全安若作
 風治則誤矣○一人背疽服內托十宣藥已多膿出作嘔發
 熱六脉沉數有力此潰瘍所忌也遂用大料人參膏入竹瀝
 飲之參盡十六斤竹伐百餘竿而安後經旬餘值大風拔木
 瘡復起有膿中有紅線一道過肩胛抵右肋予曰急作參膏
 以芎歸橘皮作湯入竹瀝薑汁飲之盡三升而瘡潰調理乃
 安若癰疽潰後氣血俱虛嘔逆不食變證不一者以參芪歸

水等分煎膏服之最效

和陣新古列方

排氣飲

治氣逆食滯脹痛等證

陳皮 一錢五分

木香 七分或一錢五分

藿香 一錢五分

香附 二錢

枳殼 一錢五分

澤瀉 二錢

烏藥 二錢

厚朴 一錢

水一鍾半煎七分熱服○如食滯者加山查麥芽各二錢○

如寒滯者加焦乾薑豆蔻苗肉桂之屬○如氣逆之甚者加

白芥子沉香青皮檳榔之屬○如嘔而兼痛者加半夏丁香

之屬○如痛在小腹者加小茴香○如兼疝者加荔枝核煨

熟搗碎用二三錢

消滯神書加一十
五和車子

大和中飲 治飲食留滯積聚等證

陳皮一錢 枳實一錢 砂仁五分 山楂二錢

麥芽二錢 厚朴一錢 澤瀉一錢

水一鍾半煎七八分食遠溫服○脹甚者加白芥子胃寒無火或惡心者加炮乾薑一二錢疼痛者加木香烏藥香附之類多痰者加半夏

小和中飲 治胸膈脹悶或婦人胎氣滯滿等證

陳皮一錢 山楂二錢 茯苓一錢 厚朴一錢

甘草五分 扁豆二錢

水一鍾半加生薑三五片煎服○如嘔者加半夏一二錢○

如脹滿氣不順者加砂仁七八分○如火鬱於上者加焦梔子一二錢○如婦人氣逆血滯者加紫蘇梗香附之屬○如寒滯不行者加乾薑肉桂之屬

小分清飲 治小水不利濕滯腫脹不能受補等證此方

主之

茯苓二三錢 澤瀉二三錢 薏仁二錢 猪苓二三錢

枳殼 厚朴一錢

水一鍾半煎七八分食前服○如陰虛水不能運者加生地牛膝各二錢○如黃疸者加茵陳二錢○如無因熱而寒滯不行者加肉桂一錢

世和神書烈
五和車子

沈痼神書方
三昧神丹

解肝煎 治暴怒傷肝氣逆脹滿陰滯等證如兼肝火者

宜用化肝煎

陳皮 半夏 厚朴 茯苓 各一錢半

蘓葉 芍藥 各一錢 砂仁 七分

水一鍾半加生薑三五片煎服○如脇肋脹痛加白朮子丁

錢○胸膈氣滯加枳殼香附藿香之屬

二朮煎 治肝強脾弱氣泄濕泄等證

白朮 或炒二錢 或三錢 蒼朮 米泔浸 炒三錢 芍藥 炒黃 二錢 陳皮 炒 一分

炙甘草 一錢 茯苓 一二錢 厚朴 薑湯炒 一錢 木香 六分

乾薑 炒黃 一錢 澤瀉 炒 一錢半

水一鍾半煎七分食遠服

蒼朮丸 治寒濕在脾泄瀉久不能愈者

雲苓 四兩 白芍藥 炒黃 四兩 炙甘草 一兩 川椒 去閉口者 炒出汗

小茴香 炒各一兩 厚朴 二兩 薑汁炒 真茅山蒼朮 八兩 米泔浸 一宿 切炒如無即好

白朮 代之 破故紙 酒浸 二日 曬乾 炒香 四兩

右為末糯米糊為丸桐子大每食遠清湯送下七八十丸

△黃芩半夏生薑湯 金匱 治乾嘔而利者

黃芩 生薑 各三兩 炙甘草 芍藥 各二兩

半夏 半斤 大棗 十二箇

右六味以水一斗煮取三升去滓溫服一升日再夜一服

世神書烈下 十二 三昧神丹

平胃散 東垣

治脾胃不和不思飲食心腹脇肋脹滿刺痛

嘔噦惡心吞酸噫氣體重節痛自利霍亂噫膈反胃等證

厚朴 薑制炒 陳皮 去白各 蒼朮 去皮米泔 炙甘草 三兩

本方加人參茯苓各二兩即名參苓平胃散

右為末每服二錢水一鍾薑三片棗二枚煎七分去渣溫服

○或本薑棗入鹽一小捻單以沸湯點服亦可○如小便不

利加茯苓澤瀉○如飲食不化加神麩麥芽枳實○如胃中

氣痛加木香枳實或枳殼○如脾胃困倦加人參黃芪○如

有痰加半夏○如便鞭腹脹加大黃芒硝○如脉大內熱加

黃連黃芩

益黃散 錢氏

治脾土虛寒寒水反來侮上而嘔吐不食或

肚腹作痛或大便不實手足逆冷等證

陳皮 一兩 青皮 訶子肉 炮去 炙甘草 各半兩

丁香 二錢

右每服四錢水煎服

藿香正氣散

治外感風寒內停飲食頭疼寒熱或霍亂

泄瀉痞滿嘔逆及四時不正之氣瘧痢傷寒等證

藿香 紫蘇 桔梗 白芷

大腹皮 各一錢 陳皮 半夏 茯苓

甘草 白朮 厚朴 各八分

水二鍾薑二片棗一枚煎八分熱服取汗

調胃白朮散 治脾胃不和腹脹泄瀉身面浮腫

白朮 茯苓 各二錢 陳皮 白芍藥 炒

澤瀉 檳榔 各一錢 木香 五分

水二鍾薑二片煎八分食遠服○如腫不退倍加白朮并枳

實熱炒一錢

白朮芍藥湯 治脾經受濕水泄體重微滿困弱無力不

欲飲食或暴泄無數水穀不化宜此和之

白朮 炒 芍藥 炒 各一兩 甘草 炒 半兩

右每用一兩水煎服

白朮芍藥散 草窓 治痛瀉要方

白朮 炒 二兩 芍藥 炒 二兩 陳皮 炒 兩半 防風 一兩

右或煎或丸或散皆可用久瀉者加炒升麻六錢

葛花解醒湯 東垣 治飲酒太過痰逆嘔吐心神煩亂胸膈痞

塞手足顛搖飲食減少小便不利

人參 白朮 茯苓 砂仁

白豆蔻 葛花 各一錢 青皮 陳皮

猪苓 澤瀉 各七分 神麴 木香 各五分

水二鍾生薑五片煎七分食遠稍熱服取微汗酒病去矣或為末薑醋湯調服二三錢亦可

大七香丸 和劑

治脾胃虛冷心膈噎塞漸成腸氣及脾泄

瀉痢反胃嘔吐

香附 二兩

麥芽 炒一兩 砂仁

藿香

官桂

甘草

陳皮

丁香皮

甘松

烏藥 各六錢半

右為末蜜丸彈子大每服一丸嚼碎酒鹽湯任下忌生冷肥

臧

七味滲濕湯 局方

治寒濕所傷身體重著如坐水中小便或

赤澁大便溏泄困坐臥濕地或為陰雨之所襲也

炙甘草

蒼朮

白朮 各一錢 茯苓

乾薑 各二錢

丁香

橘紅 各二分半

水一鍾半薑三片棗一枚煎七分食前服

升陽除濕湯 東垣

治脾胃虛弱不思飲食腸鳴腹痛泄瀉

無度小便黃四肢困弱

升麻

柴胡

羌活

防風

半夏

益智仁

神麴

澤瀉 各五分

麥蘖麴

陳皮

猪苓

甘草 各三分

蒼朮 一錢

右咬咀作一服水三盞生薑三片棗二枚煎至一盞去粗

空心服

升陽除濕防風湯 按萃

治下痢下血大便秘滯裏急後重

數至圓而不能便或下白膿慎勿利之舉其陽則陰自降矣

防風 二錢

白朮

白茯苓

白芍藥 各一錢

蒼朮

酒浸去皮炒四錢

右先將蒼朮用水一鍾半煎至一鍾入諸藥同煎至八分食

煎服

五苓散 仲景

治暑熱煩躁霍亂泄瀉小便不利而渴淋瀝

治暑熱煩躁霍亂泄瀉小便不利而渴淋瀝

作痛下部濕熱

白朮

猪苓

茯苓

各七錢

肉桂

五錢

澤瀉

一兩二錢半

古法為細末每服二錢白湯調下日二服○今法以水煎服

四苓散

即前五苓散去肉桂

猪苓湯 仲景

治傷寒下後脈浮發熱渴欲飲水小便不利

治傷寒下後脈浮發熱渴欲飲水小便不利

及少陰病下利欬而嘔渴心煩不得眠者

猪苓

去皮

茯苓

阿膠

滑石

澤瀉

各一兩

右五味以水四升先煮四味取二升去滓內阿膠烱盡服七

合日三服

茯苓湯

治濕熱泄瀉或飲食泄瀉

茯苓 白木炒各五錢

右用水煎食前服。一方有芍藥等分名白木散。

○胃冷湯 治脾濕太過泄瀉不止。

陳皮 厚朴 甘草 蒼朮

白朮 茯苓 澤瀉 猪苓

肉桂 各等分

每服五六錢薑五片棗二枚水煎服。

橘半胃冷湯 治嘔吐泄瀉脹滿不下食不知味。

橘紅 半夏製各一錢 蒼朮米泔浸 白朮炒

厚朴 炙甘草 人參 茯苓

澤瀉 茅根 各二錢 薑汁數匙

水二鍾煎一鍾入薑汁再煎一二沸陸續飲之。

真人養臟湯 局方 治太人小人冷熱不調下痢赤白或如

膿血魚腦裏急後重臍腹痛或脫肛墜下酒毒便血並治

之 人參 當歸 訶子 肉豆蔻麩煨

炙甘草 木香 各一錢 芍藥 白朮 各三錢

肉桂 五分 粟殼煨 二錢

水二鍾煎八分食遠服。○臍寒者加附子一錢。

草果散 良方 治中寒泄瀉腹痛無度。

厚朴 薑汁炒 二兩 肉豆蔻 麩煨 草豆蔻 煨 各十個

右每服三錢薑水煎服

大橘皮湯 經驗 治濕熱內甚心腹脹滿水瀉小便不利

橘皮 檳榔 各一錢 滑石 茯苓

猪苓 澤瀉 白木 各二錢 官桂

甘草 各五分

水一鍾半生薑二片煎八分食遠服

消食導氣飲 治凡遇氣怒便作泄瀉此必因怒挾食所致其有脾土本虛不勝肝氣者此方主之

人參 白木 茯苓 炙甘草

川芎 半夏 青皮 陳皮

枳實 香附 神麩 礞仁

木香 上酌虛實增減用

水一鍾半薑三片煎七分食遠溫服

秘傳斗門方 治毒痢臟腑撮痛膿血赤白或下血片日夜不息及噤口惡痢裏急後重全不進食久渴不止他藥不能治者立見神效

能治者立見神效

乾薑 炒四錢 粟殼 蜜炙八錢 地榆 甘草 炙各六錢

白芍藥 錢三 黑豆 炒去皮一兩半

右咬咀可分三四貼用水一鍾半煎七分食遠熱服

治痢簡易八方

外臺秘要方

治痢下白膿不止用白麩一味炒熟搗篩煮

米粥內方寸匕食之此療瀉痢日至百行藥所不及者也

千金方

治痢用薤白一握細切煮粥食之

聖惠方

治赤白痢疾以葱一握切和米煮粥空腹食之

千金翼方

用雞子以醋煮極熟空腹食之治久痢赤白

又方

用乾薑於火內燒焦黑不可成炭於磁瓶中閉冷為

末每服一錢米飲調下

炙雞散

治脾胃氣虛陽滑下痢用黃雌雞一隻制如食法

以炭火炙之槌扁用鹽醋刷遍又炙令極熟而燥空腹食

乏

一方

治熱毒下血痢久不已用當歸黃連各三錢烏梅五

個水煎八分空心服

麩末丸

類方

治暑濕暴瀉壯脾溫胃及治飲食所傷胸膈

痞悶

神麩

炒

蒼朮

米泔浸一宿切炒等分

右為細末

麩糊丸桐子大每服七八十丸米飲下不拘時

戊巳丸

和劑

黃連

炒

吳茱萸 泡炒 白芍藥 各五兩

一方黃連四兩吳茱萸二兩芍藥三兩

右為細末，麪糊丸，桐子大，每服七十丸，空心食前米飲下。
攻陣新古列方

○赤金豆

亦名八仙丹

○治諸積不行，凡血凝氣滯，疼

痛腫脹，中積結聚，癥堅宜此。主之此丸，去病捷速，較之硝黃稜莪之類，過傷臟氣者，大為勝之。

巴霜

去皮膜略去

生附子

切略炒

皂角

炒微焦

輕粉

丁香

木香

天竺黃

各三錢 為末

百順丸

治一切陽邪積滯，凡氣積血積蟲積食積傷寒

實熱秘結等證，但各為湯引，隨宜送下，無往不利。

川大黃

錦紋者

牙皂角

炒微黃

右為末，用湯浸蒸餅搗丸，綠豆大，每用五分，或一錢，或二三錢，酌宜用引送下，或用蜜為丸亦可。

△大承氣湯

仲景

治陽明太陰傷寒，譫語五六日不大便，腹

滿煩渴，並少陰舌乾口燥，潮熱脈實者。○劉河間加甘草名

三一承氣湯

大黃

四兩

厚樸

半斤

枳實

五枚

芒硝 三合
右以水一斗，先煮厚樸二物，取五斤，去滓，內大黃，煮取一升，

大黃湯

河間

治瀉痢濕熱邪盛，膿血稠黏，裏急後重，日夜

世同申書烈

下

九

玉支軒刊

淋瀝不盡方

三鞭補酒

無度者

大黃 一兩

右細剉好酒二大盞浸半日煎至一盞半去大黃分二服頓服之痢止一服如未止再服以痢為度服芍藥湯以和之痢止再服黃芩湯和之以撤其毒

芍藥湯 河間

下血調氣經曰洩而便膿血氣行而血止行

血則便自愈調氣則後重除

芍藥 一兩

當歸

黃連 各五錢

木香

甘草 炙

枳柳 各二錢

大黃 三錢

官桂 半錢

黃芩 五錢

右阻每服半兩水二盞煎一盞食後溫服如血痢則漸加大黃如汗後臍毒加黃柏半兩依前服○愚按此湯乃河間之心方然惟真有實熱者可用若假熱假實者誤服則死

三花神祐丸 宜明

治一切沉積痰飲變生諸病或氣血壅

滯濕熱鬱結走注疼痛風痰脹滿等證○子和神祐丸用黑

丑一兩無輕粉

黑丑

取頭落

大黃 一兩

芫花

醋浸

大戟

醋浸

甘遂

麵裹煨

輕粉 一錢

右為細末滴水為丸小豆大初服五丸每服加五丸溫水下日三服以快利為度欲速下者宜八九丸或百餘丸○凡

世神書烈

九一

三鞭補酒

痞滿甚者以痰涎壅盛頓攻不開則轉加痛悶須漸進之初服止三丸每加二丸至快利即止

散陣古列方

△麻黃甘草湯 金匱

治腰已上水腫者宜此汗之

麻黃 半兩

甘草 二錢

右咀用水二鍾先煮麻黃三四沸去沫入甘草再煎至八分食遠熱服取汁有人患氣喘積久不瘳遂成水腫服此效

桂枝湯 仲景

治太陽經傷風發熱自汗惡風

桂枝

芍藥 各三兩 甘草 二兩

大棗 十二枚

右以水七升微火煮取三升去滓適寒溫服一升服已須臾

食熱稀粥一升餘以助藥力溫覆一時許令徧身微似有汗者佳不可令如水流漓病必不除

胃風湯

治虛風能食牙關緊急手足搐攣胃風面腫

白芷 一錢二分

升麻 二錢

葛根

蒼朮

蔓荊子

當歸 各一錢

甘草 炙

柴胡

石膏

羌活

黃礬

草豆蔻

麻黃 各五分

水二鍾薑三片棗二枚煎八分溫服

寒陣新古列方

○保陰煎

治男婦帶濁遺淋色赤帶血脉滑多熱便血

汗液不... 方

不止及血崩血淋或經期太早凡一切陰虛內熱動血等證

生地 熟地

芍藥 各二錢

山藥

川續斷 黃芩

黃柏 各一錢半

生甘草 一錢

水二鍾煎七分食遠溫服○如小水多熱或兼怒火動血者加焦梔子一二錢○如夜熱身熱加地骨皮一錢五分○如肺熱多汗者加麥冬棗仁○如血熱甚者加黃連一錢五分○如血虛血滯筋骨腫痛者加當歸二三錢○如氣滯而痛太熟地加陳皮青皮丹皮香附之屬○如血脫血滑及便血久不止者加地榆一二錢或烏梅一二個或百藥煎一二錢文蛤亦可○如少年或血氣正盛者不必用熟地山藥○如

肢節筋骨疼痛或腫者加秦艽丹皮各一二錢

大分清飲

治積熱閉結小水不利或致腰腹下部極痛

或濕熱下利黃疸溺血邪熱畜血腹痛淋閉等證

茯苓 澤瀉

木通 各二錢

猪苓

梔子 或倍之

枳殼

車前子 各一錢

水一鍾半煎八分食遠溫服○如內熱甚者加黃芩黃柏草龍膽之屬○如大便堅鞭脹滿者加大黃二三錢○如黃疸小水不利熱甚者加茵陳二錢○如邪熱畜血腹痛者加紅花青皮各一錢五分

清流飲

治陰虛挾熱瀉痢或發熱或喜冷或下純紅鮮

世刊神書烈

九三

聖安刊刊

治痢症方

血或小便痛赤等證

生地

芍藥

茯苓

澤瀉各二錢

當歸一二錢

甘草一錢

黃芩

黃連各錢

枳殼一錢

水一鐘半煎服○如熱甚者加黃柏○小便熱痛者加梔子

茵陳飲

治挾熱泄瀉熱痢口渴喜冷小水不利黃疸濕

熱閉滯等證

茵陳

焦梔子

澤瀉

青皮各三錢

甘草一錢

甘菊花二錢

用水三四鐘煎兩鐘不時陸續飲之治熱瀉者一服可愈

△黃芩湯仲景

治太陽與少陽合病自下利

黃芩三兩

炙甘草

芍藥各二兩

大棗十二枚

右四味以水一斗煮取三升太澤溫服一升且再服夜一服

若嘔者加半夏半升生薑二兩

黃芩散

治熱利下赤膿心腹煩熱疼痛

黃芩

當歸

龍骨各七錢

生地黄五錢

黃連去鬚微炒一兩

黃蘗

黃芩

犀角骨

地榆各半兩

右為細末每服二錢不拘時粥飲調下

黃芩芍藥湯河間

治瀉痢腹痛或身熱熾後重脉洪數膿

世刊本草烈

下

九四

玉支軒刊

沈源不... 方...

血稠粘及陰虛內熱衄吐血者○此方即前仲景之黃芩湯
但分兩不同

黃芩 白芍各二錢 甘草一錢

水一鐘半煎八分溫服○腹痛甚者加桂二分膿血甚者加
當歸黃連各一錢○一方芍藥用六錢

木香化滯湯和劑 治痢下赤白腹中疝痛裏急後重多熱
多滯者宜之

木香 甘草各七分 人參 陳皮

黃連 澤瀉 檳榔各一錢 白朮

枳殼數少 厚樸 白芍藥 茯苓各錢半

水二鐘煎八分食前服

益丸散河間 一名六一散○一名天水散○治中暑身熱

煩渴小水不利河間云治痢之聖藥分利陰陽去濕熱其功
大矣

粉甘草 桂府滑石飛六兩

右為極細末每服二三錢新汲水調下○一方加辰砂三錢
名硃砂益丸散○一方加牛黃治煩而不得眠

香連丸局方 治熱瀉痢疾赤白膿血濕熱侵脾裏急後重

黃連淨十兩 切如豆粒用淨吳茱萸五兩二味用熱水拌和
入磁罐內置熱湯中頓一日同炒至黃連紫黃色為度去

柴萸不用

木香 每製淨黃連一兩每木香二錢半

右為末醋糊丸桐子大每服七十丸食前空心米飲下

六神丸 良方 治食積兼熱赤白痢疾或腹痛不食或久而

不止

神麩 為糊 麥芽炒 茯苓 枳殼 炒

木香 煨 黃連 炒焦黑

右為末以神麩糊為丸桐子大每服五七十丸白湯送下

蕭苓湯 和劑 治夏月暑瀉欲成痢者

香薷 黃連 薑汁炒 厚樸 薑炒 扁豆 炒

猪苓 澤瀉 白朮 茯苓 等分

右咀每服五六錢水鍾半姜三片煎七分服

太平丸 和劑 治泄瀉

黃連 同吳茱萸炒 芍藥 炒減

右為末老米糊丸服○同乾薑炒加阿膠一半為丸名駐車

丸

酒蒸黃連丸 局方 治一切熱瀉便血並伏暑發熱解酒毒

黃連 半斤用淨酒二升浸以瓦器置甑上蒸至爛取出

曬乾

右為末滴水丸每服五十丸食前溫水下

熱陣新古列方

○四味回陽飲

治元陽虛脫危在頃刻者

人參一兩

製附子二錢

炙甘草一錢

炮乾薑二錢

水二鍾武火煎七八分溫服徐徐飲之

六味回陽飲

治陰陽將脫等證

人參

或一二兩或數錢

製附子

二錢

炮乾薑

二錢

炙甘草

一錢

熟地

五錢或一兩

當歸身

二錢如泄瀉者或血動者以冬木易之多多益善

水二鍾武火煎七八分溫服○如肉振汗多者加炙黃芪四

五錢或一兩或冬白朮三五錢○如泄瀉者加烏梅二枚或

北五味二十粒亦可○如虛陽上浮者加茯苓二錢○如肝

經鬱滯者加肉桂二三錢

理陰煎

此理中湯之變方也○凡脾腎中虛等證宜剛

燥者當用理中六君之類宜溫潤者當用理陰大營之類欲

知補調當先察此○此方通治真陰虛弱脹滿嘔噦痰飲惡

心吐瀉腹痛婦人經遲血滯等證○又凡真陰不足或素多

勞倦之輩因而忽感寒邪不能解散或發熱或頭身疼痛或

面赤舌焦或雖渴而不喜冷飲或背心肢體畏寒但脈見無

力者悉是假熱之證若用寒涼攻之必死宜速用此湯服後

加減以溫補陰分托散表邪連進數服使陰氣漸充則汗從

陰達而寒邪不攻自散此最切於時用者也神效不可盡述

熟地 三五七錢 或一二兩

當歸 二三錢 或五七錢

炙甘草 錢一二 乾薑 炒黃色 二錢

或加桂肉 錢一二

水二鍾煎七八分熱服○此方加附子即名附子理陰煎再
加人參即名六味回陽飲治命門火衰陰中無陽等證○若
風寒外感邪未入深但見發熱身痛脈數不洪九內無火證
素稟不足者但用此湯加柴胡一錢半或二錢連進一二服
其効如神若寒凝陰盛而邪有難解者必加麻黃一二錢放
心用之或不用柴胡亦可恐其清利也此寒邪初感溫散第
一方惟仲景獨知此義第仲景之溫散首用麻黃桂枝二湯
余之溫散即以理陰煎及太溫中飲為增減此雖一從陽分

一從陰分其跡若異然一逐於外一托於內而用溫則一也
學者當因所宜酌而用之○若陰勝之時外感寒邪脈細惡
寒或背畏寒者乃太陽少陰證也加細辛一二錢甚者再加
附子一二錢真神劑也或并加柴胡以助之亦可○若陰虛
火盛其有內熱不宜用溫而氣血俱虛邪不能解者宜太姜
桂單以二味加減與之或止加人參亦可○若治脾腎兩虛
水泛為痰或嘔或脹者於前方加茯苓一錢半或加白芥子
五分以行之○若泄瀉不止及腎泄者少用當歸或并太姜
加山藥扁豆吳茱萸破故肉豆蔻附子之屬○若腰腹有痛
加杜仲枸杞○若腹有脹滯疼痛加陳皮木香砂仁之屬

養中煎

治中氣虛寒為嘔為泄者

人參 一錢

山藥 炒二錢

白扁豆 炒二錢 炙甘草 一錢

茯苓 二錢

乾薑 炒黃一錢

水二鐘煎七分食遠溫服○如噉腐氣滯者加陳皮一錢或

砂仁四分○如胃中空虛覺餒者加熟地三五錢

溫胃飲

治中寒嘔吐吞酸泄瀉不思飲食及婦人臍寒

嘔惡胎氣不安等證

人參 一錢

白木 炒一錢

扁豆 二錢

陳皮 一錢

乾薑 炒焦一錢 炙甘草 一錢

當歸 一二錢

滑泄者勿用

水二鐘煎七分食遠溫服○如下寒帶濁者加破故紙一錢

○如氣滯或兼胸腹痛者加藿香丁香木香白豆蔻砂仁白

菝子之屬○如兼外邪及肝腎之病者加桂枝肉桂甚者加

柴胡○如脾氣陷而身熱者加升麻五七分○如木泛為痰

而胸腹痞滿者加茯苓一二錢○如脾胃虛極大嘔大吐不

能止者倍用參朮仍加胡椒二三分許煎熟徐徐服之

五君子煎

治脾胃虛寒嘔吐泄瀉而兼濕者

人參 二錢

白朮

茯苓 各二錢

炙甘草 一錢

乾薑 炒黃一錢

水一鐘半煎服

六味異功煎

治證同前而兼微滯者

即前方加陳皮一錢○此即五味異功散加乾姜也

胃關煎

治脾胃虛寒久瀉或甚至久瀉腹痛不止冷痢

等證

熟地

三五錢或一兩

山藥

炒二錢

白扁豆

炒二錢

焦乾姜

三錢

吳茱萸

製五分

白朮

炒一錢

水二鍾煎七分食遠溫服○瀉甚者加肉豆蔻一二錢麩炒

用或破故紙亦可○氣虛勢甚者加人參隨宜用○陽虛下

脫不固者加製附子一二三錢○腹痛甚者加木香七八分

或加厚朴八分○滯痛不通者加當歸二三錢○滑脫不禁

者加烏梅二個或北五味子二十粒○若肝邪侮脾者加肉

桂一二錢

佐關煎

治生冷傷脾瀉痢未久腎氣未損者宜用此湯

以太寒濕安脾胃此胃關煎之佐者也

厚朴

炒一錢

陳皮

炒一錢

山藥

炒二錢

扁豆

炒二錢

炙甘草

七分

猪苓

二錢

澤瀉

二錢

乾姜

炒一錢

肉桂

一二錢

水一鍾半煎服○如腹痛甚者加木香三五分或吳茱萸亦

可○如瀉甚不止者或破故紙或肉豆蔻皆可加用

抑扶煎

治氣冷陰寒或暴傷生冷致成瀉痢凡初起血

氣未衰脾腎未敗或脹痛或嘔惡皆宜先用此湯此胃關煎
表裏藥也宜察虛實用之其有寒濕傷臍霍亂邪實者最宜
用此

厚朴

陳皮

烏藥

各一錢五分

猪苓

二錢

澤瀉

二錢

炙甘草

一錢

乾姜

炮一錢

吳茱萸

製五分

水一鍾半煎七分食遠溫服○如氣滯痛甚者加木香五七

分或砂仁亦可○如血虛多痛者加當歸二錢○如寒濕勝

者加蒼朮一錢半

四維散

治脾腎虛寒滑脫之甚或泄痢不能止或氣虛

下陷二陰血脫不能禁者無出此方之右

人參

一兩

製附子

二錢

乾姜

炒黃二錢

炙甘草

一二錢

烏梅肉

五分或一錢酌其味之微甚隨病人之意而用之或不以此即四味同陽飲也

右為末和勻用永拌濕蒸一飯頃取起烘乾再為末每服一

二錢溫湯調下

五德丸

治脾腎虛寒飧泄驚澹等證或暴傷生冷或受

時氣寒濕或酒濕傷脾腹痛泄或飲食失宜嘔惡痛泄無

火等證

補骨脂

四兩

吳茱萸

製二兩

木香

二兩

乾姜

四兩

北五味

二兩或以肉豆蔻代之

湯浸蒸餅丸桐子大每服六七十丸甚者百餘丸滾白湯或

人參湯或米湯俱可下。○腹痛多嘔者，加胡椒二兩，更妙。

復陽丹 治陰寒嘔吐泄瀉腹痛寒疝等證。

附子製 炮姜 胡椒 北五味炒

炙甘草各一兩 白麩二兩 炒熟

右為末和勻入溫湯搗丸，桐子大，每服一錢，隨證用藥引送下。

一炆丹 治脾腎虛寒不時易瀉腹痛陽痿怯寒等證。○

此即參附湯之變方也。

人參 製附子各等分

煉白蜜丸如綠豆大，每用滾白湯送下，三五分或一錢丸，藥

餌不便之處或在途次，隨帶此丹最妙。

九炆丹 治脾腎虛寒如五德丸之甚者。

熟地八兩 製附子四兩 肉豆蔻二兩 炒 焦薑

吳茱萸 補骨脂酒炒 萆薢炒 五味子炒各二兩

粉甘草炒一兩

煉白蜜為丸，或中藥糊丸如桐子大，每服六七十丸，或百丸，滾白湯下。

聖木煎 治飲食偶傷或吐或瀉胸膈痞悶或脇肋疼痛

或過用尅伐等藥致傷臟氣有同前證而脈息無力氣怯神倦者，速宜用此，不得因其虛痞虛脹而畏用白朮，此中虛實

之機貴乎神悟也若痛脹覺甚者即以前送神香散最妙
若用治寒濕瀉痢嘔吐尤為聖藥

白朮 用冬朮味甘性平者五六七八錢炒或一二兩

乾薑 炒

肉桂 各一錢 不用 陳皮 酌用或不用

水一鍾半煎七分溫熱服○若治虛寒瀉痢嘔吐等證則人參炙甘草之類當任意加用○若治中虛感寒則麻黃柴胡亦任意加用

黃芽丸 治脾胃虛寒或飲食不化或時多脹滿泄瀉吞酸嘔吐等證此藥隨身常用甚妙

人參 二兩 焦乾薑 三錢

煉白蜜為丸芡實大常嚼服之

△理中丸 仲景 即名參理中湯○治太陰即病自利不渴

陰寒腹痛短氣欬嗽霍亂嘔吐飲食難化胸膈噎塞或瘧疾瘴氣瘟疫中氣虛損久不能愈或中虛生痰等症

人參 白朮 炒 乾姜 炒 炙甘草 各三兩

右四味搗篩為末蜜丸雞黃大以沸湯數合和一丸研碎溫服之日三四夜一服腹中未熱益至三四丸然不及湯湯泔以四物依數切用水八升煮取三升去渣溫服一升日三服附子理中湯 治證如前而中氣虛寒腹痛甚者又或入房腹痛手足厥冷或食冷犯寒等症

即前方加製附子一二三錢隨宜用之其有寒甚勢急者不妨生用或炮用亦可○外科附子理中湯有芍藥茯苓無甘草乾姜

八味理中丸 選要 治脾胃虛寒飲食不化胸膈痞悶或嘔吐

泄瀉

人參

乾薑 炒各一兩 白朮 四兩炒 白茯苓

麥芽

甘草

神麩

砂仁

右為細末煉蜜為丸每丸重一錢空心服一丸姜湯嚼下

四逆湯 仲景

又名通脈四逆湯○治傷寒陰症自利裏

寒外熱脈沉身痛而厥

甘草 炙二兩

乾姜 炮三兩

附子 一枚破八片生用

右以咀以水三升煮取一升二合分二次溫服其脈即出者

愈○面色赤者加葱九莖○腹中痛者加芍藥二兩○

嘔者加生姜二兩○咽痛加桔梗一兩○利止脈不出者加

人參一兩

補脾湯 陳氏 治脾胃虛寒泄瀉腹滿氣逆嘔吐飲食不消

人參

白朮

茯苓

厚朴 炒

陳皮 各一錢

乾姜 炒

甘草 炙

草果

麥芽 炒各八分

水一鍾半煎七分空心溫服

養胃湯三四

治脾胃虛寒嘔逆惡心腹脹疼腸鳴泄瀉

藿香

厚朴炒

半夏制

茯苓各錢半

草果

陳皮

人參

白木炒各一錢

附子製八分 甘草炙五分

水一鍾半姜三片棗二枚煎七分食遠服

胃愛散

治脾胃久虛中焦氣滯或冷涎上壅嘔吐惡心

或胸膈疼痛不思飲食或泄瀉不止

人參一兩

白木

茯苓

黃芪炙各三錢

丁香

甘草炙各二錢

肉果三個煨

乾薑炒半兩

右用白米炒熟四兩同研為末每服二三錢用姜湯或人參

湯調服○或為啖咀每藥五七錢加炒米一兩煎服亦可

鐵刷散良方

治心脾積痛婦人血氣刺痛酒病惡心腸滑

泄瀉スラ

良姜炒二兩

茴香炒七錢 蒼朮制

甘草炙各二兩八錢

右為末每服二錢空心姜鹽湯調下

椒附丸

治小腸虛冷小腹痛小便頻而清白

椒紅炒

附子炮

龍骨

桑螵蛸炙

山茱萸

鹿茸酒蒸焙各等分

右為末酒糊丸桐子大每服六十丸空心鹽湯下

白木聖散子良方

治一切瀉痢久不瘳并婦人產後痢疾

白朮

砂仁

當歸

肉豆蔻

乾姜

陳皮

炙甘草

石榴皮

訶子

芍藥

炒等分

右咬咀每服五錢水一鍾半入乳香一豆大煎八分食前服

吳茱萸湯 仲景

嘔而胸滿乾嘔吐涎沫頭痛及食穀欲嘔

者此方主之

吳茱萸 一升 人參 三兩

生姜 六兩

大棗 十枚 碎

右四味以水五升煮取三升溫服七合日三服

吳茱萸散

治腸痺寒濕內聚腹痛滿氣急大便殮泄

炮乾姜

炙甘草

吳茱萸

肉豆蔻 麩裹煨

砂仁

神曲 炒各一錢

白朮

厚朴 姜制

陳皮 各二錢

一方有良姜

右為末每服二錢空心米飲調下

吳茱萸丸 海藏

治下痢藏府不調脹滿腹痛水穀不化怠惰

嗜臥時時下痢乃陰濕證也

吳茱萸

兩半湯洗炒

神麩

炒五兩

白朮 炒四兩

肉桂

乾姜

炮各二兩半

川椒

去目炒一兩

右為末糊丸桐子大米飲下三五丸食前服

八味湯 楊氏

治脾胃虛寒氣滯不行心腹刺痛藏府虛滑

人參

當歸

炮姜

吳茱萸

湯炮七次

肉桂

丁香

木香

陳皮 各一錢

右咬咀水一鍾半煎七分溫服無時○按此湯味太剛烈當加炙甘草方效

九寶丹 良方

調理脾胃止泄瀉

人參

白朮 炒

茯苓

炙甘草

乾姜 炮

木香

藿香 去土

訶子 去核

肉豆蔻

麩炒各一錢

水一鍾半加姜煎食遠服

四柱散 濟注

治本元氣虛真陽耗散臍腹冷痛泄瀉不止

人參

附子 炮

白茯苓

木香 各一兩

右咬咀每服五七錢水一鍾半煨姜五片鹽少飲食遠煎服
○滑泄不止加肉豆蔻訶子名六柱散○活人有白朮無訶子

白通湯 仲景

治少陰病下痢

葱白 四莖

乾姜 一兩

附子 一枚生用去皮破八片

右三味以水三升煮取一升去滓分溫再服

白通加豬膽汁湯即於前方加入尿五合豬膽汁一合治少

陰下利無脈乾嘔而煩者服湯後脈暴出者死微續者生

漿水散 潔古

治暴瀉如水周身汗出丁身盡冷脈微而弱

氣少不能語者甚者加吐即為急證

沈氏不書方

半夏 一兩半 附子制 炮姜 肉桂

甘草 各五錢 良姜 二錢半

右為末，每服三錢，漿水一鍾，半煎至半鍾，熱服。

附子茴香散 澹寮 治氣虛積冷，心腹絞痛，泄瀉食少。

人參 白朮 茯苓 炙甘草 各七分

附子制 炮姜 各五分 茴香 肉豆蔻 各四分

木香 三分 丁香 五粒

水一鍾，半煎七分，食遠服。

五味子散 本事 治腎泄在晨及五更，泄瀉飲食不進，不

時去後。

五味子 炒二兩 吳茱萸 炒一錢

右為末，每服二錢，白湯調下為丸尤效。

二神丸 本事 治脾胃虛寒，不思飲食，泄瀉不止。

肉豆蔻 破故紙

右為末，用大肥棗四十九枚，人生姜片四兩，同煮以棗爛為度，去姜取棗肉搗藥為丸，桐子大，每服五六十丸，白湯下。

四神丸 薛氏 治脾胃虛寒，大便不實，飲食不思，及泄瀉腹痛等症。

破故紙 炒四兩 肉豆蔻 炒煨 五味子 各二兩 吳茱萸 湯浸炒 一兩

右為末，用大棗百枚，同姜八兩，煮爛取肉搗丸，桐子大，每服

七八十丸空心食前白湯下○按此丸不宜用棗但以姜汁煮麪糊為丸更佳

四神丸 澹寮

治脾腎泄清晨瀉瀉

破故

炒四兩肉豆蔻 二兩木香 半兩

小茴香 炒一兩

右為末姜煮棗肉為丸桐子大白湯送下

四神丸 王氏

治寒疝脹痛不已

萹澄茄

木香 各半兩吳茱萸 半酒浸半醋浸香附 各一兩

右為末糊丸桐子大每服七八十丸空心鹽湯或乳香葱湯任下

五味子丸

治下元虛寒火不生土以致命門不煖關門

不開名曰腎泄亦名脾腎泄

人參

白朮

北五味子 炒

破故 炒各三兩

山藥 炒

白茯苓 各兩半

吳茱萸 湯泡炒

川巴戟 去心炒

肉果 煨各一兩

龍骨

右為末酒糊丸桐子大每服百餘丸食前白湯或米湯任下
葶撥丸得效 治滑泄中寒者宜之

葶撥

川姜 炮

丁香 不見火

附子 炮去皮臍

良姜

胡椒

吳茱萸 湯浸炒

山茱萸 各一兩

草豆蔻 去皮各半兩

煮棗肉丸桐子大每服五六十丸食前陳米飲下日三服

肉豆蔻丸 和劑 治脾胃虛弱脹滿水穀不消臟腑滑泄

肉豆蔻 麩煨 蒼朮制 乾姜 炮 厚朴 制

陳皮 各四兩 炙甘草 茴香 炒 肉桂

川烏 訶子肉 各二兩

右用湯浸蒸餅為丸梧子大每服七八十丸食前白滾湯下

訶梨勒丸 濟生 治大腸虛冷泄瀉不止腹脇引痛飲食不

化 訶梨勒 麩裹 附子 炮 肉豆蔻 麩裹 木香

吳茱萸 湯泡 龍骨 生用 白茯苓 去皮 葶撥 各等分

右為細末生姜汁煮麩糊為丸梧子大每服七十丸空心米

飲下

厚朴丸 良方 治寒中洞泄實滯脹滿等證

厚朴 炒 乾姜 炒等分

右水拌炒為末水糊丸桐子大每服五十丸米飲下

縮脾丸 百一 治滑泄不禁

白朮 炒 厚朴 姜炒 赤石脂 肉豆蔻 麩煨

乾姜 炒各一兩 附子 制 葶撥 神麩 炒各五錢

右為細末醋糊丸桐子大每服五七十丸空心米飲下

桂香丸 陳氏 治藏府虛寒為風寒所搏冷滑注下不禁危

篤者累效

世同神書烈
四十一
毛鼓汗州

附子 肉豆蔻麩煨 白茯苓各一兩 桂心

乾姜炒 木香各半兩 丁香二錢半

右為末，麩糊丸，桐子大，空心米飲下，五七十丸。

陳麩丸蜜鑑 磨積止瀉痢治腹中冷痛

陳麩一兩半 人參 白朮炒 當歸炒

乾薑 肉桂 甘草炙 厚朴制各半兩

右為末，煉蜜丸，桐子大，每服三五丸，溫酒或淡醋湯任下。

日二服

小安腎丸 治腎氣虛之下元冷憊夜多漩溺體瘦神倦

腰膝沉重泄瀉腸鳴眼目昏暗牙齒蛀痛

川棟子一斤 用香附子川烏各一斤加鹽四兩水四升

同煮候乾去香附川烏不用取川棟切焙

小茴十二兩 熟地八兩 川椒四兩去閉口者微炒出汗

右為末，酒糊丸，桐子大，每服二三十丸，空心臨臥鹽湯或酒

任下

小已寒丸元戎 一名強中丸 治脾胃積冷中寒洞泄倦

急不思飲食進食止自汗厚腸胃見肘後甚驗

艾葉四兩 蒼朮一兩炒 吳茱萸炒 陳皮炒各二兩

右用米醋二升浸一宿漉出曝乾再於原醋內拌勻炒令紫色焙乾為末稀糊丸桐子大每服三五丸空心食前溫酒

世同神書烈
四十一
毛鼓汗州

鹽湯米湯自湯任下

固陣新古列方

○粘米固腸糕

治脾胃虛寒或因食滯氣滯腹痛泄瀉

久不止者多服自效

用白糯米滾湯淘洗炒香熟為粉每粉一兩加乾姜末炒熟者二分半白糖二錢拌勻於饑時用滾水調服一二兩如有微滯者加陳皮炒末二分或砂仁末一分俱妙○下法用陳老米粉亦妙○此與古方固類四十九泄瀉經驗方大同小異并補陣養元粉略同

敦阜糕

治久瀉久痢腸滑不固妙方及婦人帶濁最佳

白麩

炒黃二兩

冬白木

炒黃一兩

破故紙

炒五錢

右共為末臨服時加白糖隨宜用清滾湯食前調服如糕法如胃寒者每一兩加乾姜炒末五分或一錢如氣有不順或痛或嘔每末一兩加丁香一錢○如滑泄不禁者每兩加粟穀末炒黃一錢○若以作丸則宜三味等分用即名敦阜丸

△泄瀉經驗方

治泄瀉飲食少進

用糯米一升水浸一宿瀝乾慢火炒令極熟磨細羅如飛麩加懷山藥一兩炒研末和米粉內每日清晨用半盞入白糖二匙用椒末少許將極滾湯調食其味甚佳且不厭人大有資補久服之其有精寒不能成孕者亦孕

矣

固腸散

治脾胃虛弱肉寒注泄水穀不分下痢膿血赤少白多腸滑腹痛心腹脹滿食減力乏

陳米炒二兩 木香一錢 肉豆蔻生 粟殼蜜炙各二錢

乾姜炮 炙甘草各二錢半

右為末每服二錢水一鍾姜三片棗一枚煎七分不拘時溫服忌酒猪肉魚腥生冷

服忌酒猪肉魚腥生冷

固腸丸王氏

治瀉痢日夜無度

人參

附子制

阿膠炒

龍骨研

肉豆蔻麩煨

赤石脂煨醋

乾姜炒

木香各一兩

白朮炒

訶子肉各二兩

沉香五錢

右為末粳米糊丸桐子大每服七八十丸米飲下

泄腸散

治久痢大腸滑脫

訶子

赤石脂

龍骨等分

右為末以臘茶少許和藥摻腸頭上用絹帛揉入○又方用鱘頭煨存性入枯礬少許如上揉入

大斷下丸和劑

治藏府停寒下痢不已

乾姜炮

高良姜

細辛各兩半

附子制

牡蠣煨

龍骨研

赤石脂煨

肉豆蔻麩煨

訶子肉

枯礬

酸石榴皮

醋浸一宿炙黃用各一兩

油孫和書方
五七

右為細末醋煮麩糊為丸桐子大每服五七十丸米飲送下
桃花丸 治腸胃虛弱冷氣乘之臍腹攪痛下痢腸滑不

禁日夜無度○此即仲景桃花湯之法

赤石脂煨醋 乾姜炮等分

右為末湯浸蒸餅丸梧子大每服百餘丸食前米飲下日三
服○若痢久虛滑去積不已用蒼朮二兩防風五錢水一碗
煎至半碗下此丸小便利則安

生地黃湯 治熱痢便血崩淋不止

生地黃五錢 地榆七錢半 炙甘草二錢半

右以咀用水二鍾煎一鍾分空心日晚二服 大尾

享保十四巳酉仲春穀旦

京師書坊 植村藤次郎壽梓

江府書坊 植村藤三郎

大坂書坊 植村藤三郎

一書物唐本和本書本御用候可被仰下候

